

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

集部
第六二冊

責任編輯：孫言誠 賀 偉

ISBN 7-5333-0615-5



EB20/10

四庫全書存目叢書·集部六二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 37.75 印張

1997 年 7 月第 1 版 1997 年 7 月第 1 次印刷

印數 1-100

ISBN 7 5333 0615-5

Z·60 集部定價：127800 圓

集部第六二冊目次

集部·別集類

矯亭存稿十八卷續稿八卷(二)

〔明〕方鵬撰
南京圖書館藏明嘉靖十四年刻十八年續刻本

一

韓五泉詩四卷附錄二卷

〔明〕韓邦靖撰
北京圖書館藏明嘉靖十六年趙伯一刻本

一三七

烏鼠山人小集十六卷後集二卷

〔明〕胡纘宗撰
湖北省圖書館藏明嘉靖刻本

一八五

可泉擬涯翁擬古樂府二卷

〔明〕胡纘宗撰 張光孝評 胡統宗注
湖北省圖書館藏明嘉靖三十六年汪瀚刻本

四九七

擬漢樂府八卷補遺一卷附錄二卷

〔明〕胡纘宗撰
湖北省圖書館藏明嘉靖十八年刻本

五三一

矯亭存稿十八卷續稿八卷

(二)

〔明〕方鵬撰

南京圖書館藏明嘉靖十四年刻十八
年續刻本

附《四庫全書總目·矯亭存稿

十八卷續稿八卷》提要

矯亭存稿卷之十三

碑誌

橫涇趙氏先祠碑

崑山方鵬著

第貳編

太倉之東橫涇里趙君天錫世居之其先不可考矣
五世祖子安高祖孟吉曾祖文敏祖某父有懷君則
有懷長子也舊有先祠卑隘弗稱乃於宅之稍東厥
名蔣涇闢地十畝構堂數椽中列四龕以奉高曾祖
稱別設一龕以奉子安爲不遷之主所以重本反始
禮以義起者也側構亭曰養心備齋宿也環地以水
戒不虞也環水有田四十畝供歲事也田之入與祠

矯亭存稿卷十三

一

之啓閉則命長子汝長孫楠世守之示有統也田之
稅則凡君之衆子若孫共輸之以助祭也有事於祠
則凡子安之子若孫咸在而共享焉以收族也嗚呼
情文備矣君從弟庠生洪修率汝偕來謁文登石以
詔來裔切惟三代之上宗法與祭法相表裏故創則
傳傳則久後世宗法不講非無孝子慈孫建祠置田
以承祭祀不一再傳而遂廢焉者何哉或偏委其人
而衆心弗附也或遞掌其事而責備弗專也其幾自
不能久矣君獨付諸世繄而他人不得以參之深得
古人立宗子之遺意其分尊故能率衆其任重故能
盡職何憚乎不傳又何憚乎不久耶系之銘曰

稽千古家必有廟誰其尸之宗子之孝爰及近世則有祠堂惟厥宗子乃奉蒸嘗宗法既墮祭義斯舛授之匪人傳之弗遠延延趙氏世累其仁積厚發徐篤生善人善人維何聞義則舉報祀其先世嫡是主惟嫡主之惟底助之孰敢不率與衆論之有義者堂玄楹文牖肅肅至止以妥以侑亦有上田歲登什千我將我享以莫不虔祖考顧歆錫我遐祉俾熾而昌百千萬祀

鄉貢進士陸君墓表

君初至吾邑也與予同試有司每在高等及同試場屋人有叩之者輒應如響或持試卷與人人聚觀了

陸君存德公志

二

無吝色予始異之及同硯席誦讀至暮予出酒饌則雖然辭去已而復來則懽然飲食如是者以爲常久而詰之君曰吾親晚膳未具吾歸市酒肉命兒輩侍食退然後安耳予益敬之遂定交于茲二十年矣疾既革命使荀午召予入門而絕嗚呼可謂死生之交也然則表君之墓非予而誰哉君姓陸氏諱表字天章別號雁翁世爲松之上海人厥考晉卿嘗游京師于仕進見君頭角不凡歎曰吾有子如此可以畢吾志矣歸而僑寓吾邑按徒講學久之因占籍焉凡出入臥起必與君俱相爲命每讀書有所得雖中夜必呼以語君故君稱予善交雖其資稟異特而得之

陸君存德公志

三

特表見于石以自附於微顯闡幽之意君之精爽如在亦足以自慰也夫

質菴張翁墓表

儀真黃戶部襄爲予言其邑人張翁之義也性喜以財濟人假之者或弗償焉不計也他日再假則復與之償之者或濫且惡焉不問也他日再假則易善者而與之乃相謂曰翁長者不可負也亦不可欺也於是弗償且濫惡者鮮矣嗟乎王教弛民俗敝不虞今之世有若人也嘉靖丙戌六月十九日翁年八十有二而卒又三年己丑十二月三日葬其邑之小銅山姚太史涑旣爲之銘矣厥孫渠復自爲狀因戶部來

乞墓表弗獲辭翁諱銑字克用號質菴其先崑山人
曾大父煥文徙儀真家焉大父伯勁父瑛母莊配楊
子男二淮源皆有士行孫男四肇舉彬皆業儒女
一曾孫男一蓋嘗考翁之行事繼母以孝愛而不失
其常待諸子姓以恩愛而不忘乎教服食燕饗之需
儉而不違乎禮懲繼娶屏姬妾矯而不過乎正此皆
人情所雖然猶可能也若夫以義為利使鄉人感而
化焉不可能也故予首表著之以警世之射利者

劉處士墓誌銘

江右士大夫以氣節相高激之愈烈抑之愈奮有貞
漢諸賢之風意其俗尚使然也嘗問吾友王君斯遠

楊亭存稿卷十

四

曰然山林郊野之士率其真而沿于習者尤多其人
若拙逸劉處士其一也今不幸卒矣及予在生家居
斯遠拜使者膏狀來請銘予交斯遠久敢不誥而銘
諸處士諱英字宗傑別號拙逸其先安成人有諱我
山者仕宋為大理評事徙永新家焉曾大父守安大
父錫永父乾母王正統己巳十一月念三日實生處
士髮未燥而怙恃俱夭育於大父母稍長勵志績學
執欲有為以自見于世竟以孱力弗能乃修于家以
自試事其大父母如父母生養死藏悉中典禮仁族
姻隣咸有恒度中歲始生子曰彥曰立皆秀穎不凡
處士曰是可以畢吾志矣延師課業俱遺補郡庠生

未幾立遽夭折而彥亦繼歿處士不為不哭因感疾
然二孫繞膝聊足自慰而長孫不肖處士仰天
呼曰吾未嘗為不善胡酷罰乃一彼為不善者享子
孫榮利以至壽考天道果無知歟一慟而絕正德甲
戌七月十二日也年六十有六明年乙亥某月日葬
于某原配王氏有婦德子男二即彥立女一婿即斯
遠南京刑部郎中孫男二長即道珠次二珠處士性
慷慨直諒喜豪飲對客論說今古不能下於人視天
下事若無不可為者而卒不偶賁志飲恨而終焉銘

曰

既阨吾蚤又蹶吾老誌彼尚冥為善弗祐為惡如故

楊亭存稿卷十

五

孰司其平有憤斯斯氣以貫元精若浮若游
與化同流為風為霆後千百年有式其原用考斯銘
張甥誥墓誌銘

吾姊嫁聽選官張君珮生二子詔誥俱邑庠生誥感
腹疾數月治弗效以正德甲戌九月十六日卒年二
十有二卒之時以手加額曰別我父母生我教我以
久疾累父母死有餘罪矣顧其妻盧曰善事我父母
飲泣而絕嗚呼痛哉誥字唐文世為崑山人少不好
弄長益誠謹聲博之事一切不與為文老健警
拔吐語輒驚人性至孝見母攢眉不樂則逃膝呼
必俟破顏乃已父公私多故且值回祿家益落誥

悉出妻所有以償不給服食器用與詔共之未嘗分
彼我初太醫院判廬宗尹有女慧而賢擇贅婿久之
得誥慰其欲挈之偕往京師誥曰丈人既有子吾可
無往且違色養而事遠遊吾寔耻之宗尹善其言弗
強也生子一曰懋隆聘晉氏鄉貢士憲之女卒之明
年乙亥十二月庚申葬于丁涇新塋之昭位詔具狀
來乞銘其詞悲而事悉予姑舉其槩而銘之曰
嗚乎誥也父兄師友期而遠到也謂酷似其舅乃誤
道也爾顧弗壽吾獨衰而老也念吾姊之瑩疚如一
何弗悼也俾爾有後始孝德之報也

桐鄉縣知縣陳君墓誌銘

續寧存稿卷十三

王德戊寅三月十二日吾友陳君邦輔卒于官四月
十七日葬于東河村先塋穆位其妹婿鄉進士朱懋
明爲狀率其孤來請銘予飲泣受之懋明狀君履歷
其略曰君少多疾父母憐之戒勿學君益攻苦講論
不微甫冠遊邑庠與今顧諭德九和諸名士交有麗
澤之益弘治辛酉領鄉薦兩以居憂不及試禮部一
再試又不偶乃卒業太學需次天曹正德丁丑授桐
鄉知縣明年以疾卒距其生爲成化乙未十月十六
日春秋四十有四而已狀其性行則曰君敦孝友寡
言笑重廉恥與朋友交初終隱顯一節日惟授徒講
書資束修以給俯仰外此不屑也狀其居官則曰

鄉號劇縣陳案山積君刻日限月苗薈而髮懶之
盡自奉廉謹雖米鹽細故時時告乏宴如也監司郡
守梓加獎異部使者論薦于朝有方效清勤之語
疾既革戒其子曰吾即死當以已貲買棺棺不必美
殮即返返即葬毋要賻于民毋取官舍器物郡守
其貧也爲給舟具歸其喪僚屬吏民號泣以送之狀
其世系則曰君諱汝翊字邦輔遠祖福五五傳至
奎世爲崑山人毋周配顧二子志仁志道嗚呼予
君莫逆二十年知其心跡最詳參之狀無不合老
明爲狀予爲銘君之目瞑矣銘曰
吏有恒材政久乃成君席未煖而赫斯擊使情

續寧存稿卷十三

七

今十有恒情家裕則廉君素饒空而操益嚴便墨
黥兮人之將死辭衰氣憊一息尚存君不少懈使
者戒兮速返速藏治命有則勒銘墓堂我無愧色使
過者式

馬處士墓誌銘

長洲之甫里馬氏著姓也有西屋者爲一族之長族
之人事無鉅細必咨而後行焉西屋卒厥子願巷處
士又爲衆兄弟之長衆兄弟事無鉅細必咨而後行
焉予昔講學甫里與處士一見語合意遂爲知己及
宦游而歸則處士既卒且葬矣長子渙泣且告曰墓
門之銘治命必俟先生而從子庠生濠又具行實以

列致政歸繼姑陳安人素有羸疾旦夕承候彌謹安人亦安之人不知其為繼姑也至於潔酒饌以供歲事誦文莊之遺訓以勗諸子執刀尺治絲繭以率諸女及諸婦皆可書者不能具悉焉嘉靖壬午居安人之喪哭之慟嘔血成疾明年癸未八月二十日遂卒春秋五十有二成化壬辰九月初七日其生也子男三金娶方介娶周含娶嚴皆習舉子業女三適士人吳陳太學生金夏顧鈞適夏者後二年卒孫男三懋光懋昭懋官女五儒人母唐氏與其嫡姊皆有賢行以貞節著聞儒人日與之處月與之化矣況文莊之典刑未遠耶君子謂儒人之賢相觀而善者也高唐

楊子存稿卷十三

九

君卜歲乙酉某月某日葬儒人于某處命諸子奉台州倅葉君夢洪狀來請銘蓋儒人台州之姑也銘曰于室而處我奉其矩于家而歸我整其儀孰矩孰儀文莊之遺矧姊若母恒有一德左薰右濡不遠其則諸子顯融匪朝則夕吁嗟不待命也孔棘

沈母徐孺人墓誌銘

初桐鄉沈儒兄弟葬其父南松處士於某然隘弗容矣嘉靖乙酉某日其母徐孺人享年九十有四而卒儒人卜吉壤於原以歲丁亥三月某日葬之重驚處士體魄弗敢遷也先期奉按察副使施君聘之狀來請銘按狀沈自歸安徙桐鄉厥姓遂著至南松

尤號克家擇同邑徐翁某之女諱某為配即儒人也性行端雅綜理周密勞勤厥躬至老弗懈故夫貧有濟困有植叔死無嗣產歸其女人曰南松之仁也而敦族睦隣寔儒人成其美唐王溪以備嘆勞發通衢以利往來建徒杠以免厲揭修廢井以救道嗚人曰南松之義也而輕財樂施寔儒人贊其役尊賢敬士客無虛席人曰南松之有禮也而承筐執爨寔儒人致其恭夫力相其夫樹德滋善若罔人知然處士榮被章服延致鄉飲而儒人以上壽詔賜粟帛則天寶知之不可誣也宣德某年月日為其生偉儀儒為其子曹鍾陸為其子之婦恩憲忠為其孫銘曰

楊子存稿卷十三

十

聿修仁禮更急義里社于今歌處士厥有賢配相厥志壽富康寧迓天賜矧爾子孫昌而熾誰其銘之大方氏

趙母周孺人墓誌銘

甫里留耕處士先禮部之友也故鵬於其子文有兄弟之誼焉昔嘗拜其母孺人於床下今既卒且葬矣文以鄉進士水君杞狀來乞墓銘夫安敢辭孺人姓周氏諱淑貞父宗禮母水世居長洲甫里少失怙恃鞠於兄嫂有妹當先嫁悉以母遺奩具讓之無吝色年十八歸趙叔彰氏即留耕也姑性嚴事之曲盡誠孝得其懽心留耕好古道嘗刻鄭氏家規每事法之

慎內外男女之別。孺人奉性謹足不踰閭閻。不
出戶垣如一日。其弟家燬于火。既為之營構。
又濟其所不給。族人貧不能葬。欲燔其屍。復勸留耕
買地治槨葬焉。里中貧負千緡。將鬻女以償者。孺人
請曰。何忍以乾沒微。割人骨肉之愛耶。遂焚其券。
文少。舉業甚警敏。孺人篝燈縫紉以伴夜讀。稍有
過誤。即白於其父。未嘗姑息。是故夫之尚義子之成
名人皆知之。而不知其出於孺人也。留耕既卒。孺人
儉勤勞苦四十餘年。以老疾終。生宣德五年十二月
十日卒。嘉靖六年十月十一日享年八十有九。以卒
之年十二月十七日葬雲龍里。從夫兆也。子即文由。

孺人存稿卷三

十一

金子大妻梁孺人墓誌銘

太倉金君子大十歲丁亥十二月庚申葬其妻梁孺
人于金潼橋之新塋。先期自撰狀介梁甥全來乞墓
門之銘。謹叙而銘之。孺人姓梁氏。諱某。世家崑山高
唐。州判官鳴鶴之女。泉州府同知朝列公之孫吏部
左侍郎文莊葉公之外孫也。以弘治壬子七月十三

郡庠生領弘治己酉鄉薦。以疾不仕。遂以醫鳴。今亦
年七十矣。娶朱氏女二適某。孫男四。思孝。思友。
思貞。其一養子思忠也。先卒。曾孫男女八人。銘曰。
母登于耄。子年亦老。子奉母。藏柩于先考。實安。實好。
百世永保。

日生甫十七年而有家。又十七年而早世。其墓誌

西五月二日也。其世系生卒如此。初君以少孤。館于
高唐。尋別築以居。孺人從焉。迎養。祖姑徐與姑孫備
極誠孝。及居二姑之喪。哀稱其禮。君有寡姊。其
欸于家。以為女師。愛君之幼妹。猶己之妹。曰。吾先
之所屬也。其盡婦職如此。君以庠生援例入太學。交
親畢。賀孺人獨不然。曰。丈夫志期遠。大吾仰望。所
者不止是也。君覆然謝之。奮志力學。至今不衰。所居
密邇塵肆。日夕勸君擇交游。謹出入。毋為習俗所移。
君悚然聽之。杜門簡出。卒為吉士。至於綜理庶務。調
度諸僕。作室刀田。不憚勞苦。所以相其夫者如此。疾

孺人存稿卷三

十二

蔣處士墓誌銘

郡庠生蔣麟子故人唐勵夫婿也。奉伯父原信命來
乞厥考淳菴處士葬。銘誼不克辭。謹按鄉進士趙君
振之狀曰。處士諱桓。字原表。姓蔣氏。世家長洲鄧巷
里。寔宋春官侍郎堂之裔。孫曾大父圭。大父鏞。父廉。

毋周衣冠詩禮孝友長厚代不乏人備載徐武功吳
文定李文正諸公碑誌可考也又曰處士娶張繼龔
子男三長鬻邑庠生早卒次鯤俱張出次即麟女一
適太學生馬淮俱龔出孫男一姪女二成化乙酉正
月三日生嘉靖甲申四月三十日卒歲丁亥十二月
三十日葬于指字圩之南陬蓋新卜也又曰處士
重寡默口無偽言身無矯行厭囂而樂靜抑末而崇
本去華而務實寡諧於俗而默契於古以淳菴自號
君子謂其稱情焉嘗往于田適見薛氏子珍兄之臂
將沉于江恠問之曰兄素作賊恐事敗連坐耳處士
諭以關弓非仁穿窬非義辭甚懇惻兄弟感泣羅拜

橋亭存稿卷十三

十三

願即改行復相敦睦其化導鄉人類如此此其著者
也銘曰
粵自太古其風朴而愛及叔世元氣日漓禮緣政繁
民偽益滋恂恂處士六古之遺不激以異不詭而隨
彼狂小子狙詐狐疑里有若人胡不爾師肆予憫世
琢此銘詞

許處士夫婦合葬銘

嘗聞吾友許君榮之孝也母嘗患痰疾不下堂者三
年君旦夕扶持躬進湯藥恒如一日家頗不裕而治
母之喪無所不用其心皆人情所難者嘗衰絰持狀
詣予曰榮卜歲丁亥十二月庚申啓先考處士之兆

合葬先妣于新洋江之先塋惟是考妣替德未有以
發也敢以累子子必無辭按狀處士姓許氏諱成字
德成世居崑山曾祖剛灝州判官祖鼎考賢贈文林
郎海豐知縣妣李贈孺人處士性行誠朴畏法守分
嘗從外歸見里有閭者急趨入閉戶戒家人謹勿
出其過慎如此厥祖之喪適文林以疾不能事事處
士竭力營葬以服父勞母弟伯基遊縣庠所以友愛
之者甚至凡遇朔望必禱于先祠願其有成比伯基
登進士為顯官而處士不待矣生正統乙丑六月二
十八日卒成化甲辰七月二十九日年止四十耳元
配顧孺人諱某邑人叔愛之女年十四來歸姑性甚

橋亭存稿卷十三

志

嚴儒人夙興夜寢執爨治絲備嘗辛苦姑為之破煩
昨仙基尚幼親為櫛沐且脫簪珥為束修之資處士
既歿孺人獨持門戶殯殮舅姑教育子女不遑自逸
以嘉靖甲申九月十九日無疾而終享年八十有四
其生則正統辛酉三月廿五日也子男二長即榮以
業醫為養娶彭氏次璵娶王氏早卒女二適諸瑛徐
楨孫男三載戰繼女二曾孫男三昌國華國安國載
載昌國華國俱庠生女二狀蓋榮所自撰云銘曰
繫此伉儷惟德作配生不齊年歿則同窆有來孫
必起在位何以占之孝子不匱

馬子淵妻陸氏墓誌銘

大學生長洲馬子淵之妻陸氏以嘉靖丙戌

十八日卒于私寢明年丁亥十一月二十八日葬吳官鄉之新阡先期自爲狀來乞銘其略曰吾妻姓陸氏諱某崑山人鄉貢進士號雕翁諱表之女年十二臞翁不祿母金亦病吾父聘之入門依吾母以習女事又六年始於我成禮溫靜端淑得之天性視吾父母猶其父母也視吾姊妹猶其姊妹也吾姊妹若妹出嫁則悲歸寧則喜別去則泣終始無間言吾母病瘵困卧于牀者殆十年日侍飲食湯藥惟謹不敢委諸僕妾入夜猶依依弗忍去去猶箝服以俟不敢就寢終始無倦色不幸吾母奄棄吾妻時已抱恙矣伏

墓事存稿卷三

五

枕哀號厥疾用殆卒之日既絕復蘇家人環泣問之更有何言徐曰妾幸從姑地下死無恨但負舅長育之恩弗及報耳其一念孝誠沒齒不忘也如是生弘治癸亥十一月六日午止二十有四一子曰之良尚幼嗚呼臞翁吾友也從年嘗表其墓茲又銘其女側焉與懷爲之雪涕銘曰

惟植有芝盈盈于庭朝既盈矣吁嗟乎夕則零矣惟泉有醴瀾瀾于止朝既瀾矣吁嗟乎夕則已矣有婦有婦其身則返其德則有吁嗟乎不朽

高唐州判官梁君墓誌銘

君與予同甲子且同游縣庠後應例入太學予適仕

留都又比屋而居焉久之感疾疾上疏以請詔授

高唐州判官致仕予適家居山顛水涯方舟並駕日同遊覽益四十年之交矣及予再起北上君聞之酒泣若永訣者無何舊疾加劇而卒實嘉靖戊子四月十九日也其生成化庚寅五月十二日得年五十有九耳卜葬甫期予復南邁諸孤奉季父九萬貢士狀以墓銘請嗚呼予何忍銘耶又何忍不銘耶君姓梁氏諱鳴鶴字九臯別號有松其先河南人七世祖仲德仕元爲崑山州同知因家焉生婺州路經歷王婺州生大谷縣主簿梁太谷生館陶縣主簿孟鏞館陶生棟君之曾大父也大父昱平定州知州贈奉直大

墓事存稿卷三

六

夫父統泉州府同知進階朝列大夫文學行誼世濟其美邑誌家牒具可考見母周贈安人繼陳封安人吏部侍郎文莊公文葉氏其配也先卒金介含其子也方周嚴子之婦也女三吳懷金夏傾鈞女之夫也金介俱縣學生夏鈞俱太學生孫另三慈光懋昭琳官聘陸氏全氏其一未聘也女七許嫁柴薪光周一鵬魏希正其四未字也君三歲失恃育于陳安人從朝列宦轡於遠弱冠而歸與兄節推君同侍祖母吳太宜人于家備極孝養朝列謝政還崑所以奉其體悅其心志者尤致力焉時兄弟六人共爨食指餘皆君綜理劑量人無間言朝列捐館君於

以治新阡堅築密樹身任其勞而所以事陳安人者彌謹故君子稱其孝處內外親鄰悉有恩意養其不能養者葬其不能葬者故君子與其仁襟度疎爽偉儀觀善談諧往往而所人過實無他腸故君子信其直嗚呼今皆已矣葬以歲尸丑十二月十六日墓在小虞浦西所謂新阡者是也

趙母戈孺人墓誌銘

初太倉璜溪有著姓曰趙仲輝氏業大齒繁與元配

婦存稿卷三

七

劉度不能獨任也聞戈氏女諱素貞者賢而有才遂以禮納之即孺人也父朝用母陳世居常熟任陽里風稟嚴重言笑不苟凡可以佐仲輝與劉者必致其力焉然泉刀尺未嘗去手恒至夜分庖厨汲爨之役身先婢僕不憚其勞至於督傭耕治蔬圃雞豚米鹽不厭其細其勤如此且素崇簡朴弗尚侈靡無私蓄無厚藏衣無重綺食無兼味凡不急之舉無益之費一切裁省其儉如此嘉靖甲申八月十七日以老疾卒召其子原錫曰爾五舉弗利命也然必嚴訓諸孫各當進取以酬爾志又曰嫡母劉在堂吾即死爾忠養之其治命之正如此其生為景泰庚午五月二

十二日享年七十有四子即原錫以州學生應例入太學效用伊邇娶海虞李氏禮部尚書文安公女孫男三汴幹俱州學生湏亦習舉業女三俱適士人曾孫男一十歲已丑十一月二十八日葬璜溪西原從仲輝之兆奉進士知君定夫狀來請銘余交原錫久且善定夫之辭之核也為之銘曰

克儉克勤有家之貞人忽而墜我守而成矧茲治命金玉遺聲曰教惟嚴曰養惟誠昭哉訓辭孰敢不承以雲以仍維國之楨

謚菴禪師墓碣銘

佛氏之教苦空堅忍割恩愛外形骸而弗恤謂之出

婦存稿卷三

十六

家其死也謂之滅度設屍烈焰而燔灼之謂之荼毘皆非吾儒之說也謚菴禪師獨異是韓子所謂墨名儒行者非耶師諱永寧字靜中謚菴其別號俗姓邢氏本崑山新濱里官家子年九歲依本邑景德寺僧大方為徒稍長領牒住崑之報國寺用薦為僧會幾二十年正德戊寅某月日退居景德而卒壽七十又四師風骨秀整音吐洪暢崑大夫士無不交之遠近縉紳過崑者必主之師然性喜恬寂終日閉室端坐厭與世接他學佛者縱情詩酒投足權貴以求附于吾儒師之所甚惡也父兄母嫂生有養死有藏恩禮以母弟之子女什為後曰他日祭吾可憑而享

也臨終悉以衣鉢遺之戒曰毋燔我屍具余棺殮我葬我求大方氏銘我墓道文付受命惟謹即退居東北隅隙地甃巨碑爲壙上歲辛巳某月日葬焉仍不遠數百里走都下乞銘予不復辭然不曰臘曰壽不曰示寂曰卒不曰塔曰墓純用吾儒之禮承師志也銘曰

凡厥有生大倫惟五孰爲天合兄弟父母矧茲遺體忍矣而腐陋波夷敢肆狂瞽師獨不然於世有補廿石西竺其行東魯我我高墳在溪之澗以全而歸詎非樂土寔繁有徒胡不自悟

承事郎西園孟翁墓誌銘

終學存稿卷三

十九

語云處富易子曰處貧難處富不易太侈者豐於自奉甚至越禮犯分以貽子孫憂太苦者較計銖兩窮年矻矻老死而不悔皆非也惟吾友孟翁永年豐不至借嗇不至苦真可謂善處富矣翁以儉勤起家遂至饒裕養父母必盡力之所能爲母弟四人周之皆有恒度使各得所外至延師教子孫雖所賞不貲一無吝色歲大侵公廩告竭縣大夫禮勸有力者發糶藏以給困窮翁慨然率衆助成義舉所活者不可勝算舉爲萬石長垂三十年公勤守法上信而下安之巡撫成都李公濟白邠吳淞二水委翁蒞其事功既告成旌以禮幣晚年以例授承事郎益厭塵冗闢園

于所居之西日徜徉其中以家事付之子凡百戒勿開白足不入城邑客至留留必盡醉客去軒睡不爲塵禮蓋其性直率非有所矯也翁世胃其華遠祖諱忠厚者宋時隨駕南渡封信安郡王始居蘇高祖忠國初爲武德倉副使致仕 文皇帝賜以手勅徒居無錫之新安曾祖信教授昆之張浦祖賢贅于張浦曹氏因家焉父昇母陳氏翁諱椿字末年別號西園或自稱拙翁其生成化丁亥五月廿三日卒於嘉靖乙未九月廿四日享年六十有九配凌氏生子男一祥娶馮氏女三俱適善族孫男一紹曾大學生娶徐氏刑部主事申女孫女一適太學生葉良植吏部侍郎文莊公曾孫孫女一嘉靖己亥十二月九日奉柩安厝於邑矩字圩祖塋持吏部主事李君霽卿狀來乞銘予與翁爲世交銘惡能辭銘曰有拙者翁鑿飲耕食帝力何有惟順爾則吁其自適兮奉世 璽書神物呵衛雖有百朋視此非貴吁其自慰兮既廣我宅復固我室蔭以嘉植銘以樂石吁其永終吉兮

終學存稿卷三

二十

周北山生壙誌銘

吾儒所以貴於異教者倫理之大死生之際舉無愧焉云耳問有老氏者流於斯二者獨克全之而吾儒或反弗逮焉不亦難乎北山周先生爲郡都紀聞母

吳謝世即棄官成服當道誦非時制難之北山援經
執禮且辨且泣卒遂其請聞之嘆曰孝哉斯人可
以敦薄矣嘉靖丁亥九月六日扁舟風雨訪予吳淞
之上出其友庠生陸君樛撰事狀來乞生壙誌銘
予受之嘆曰達哉斯人可以破愚矣按狀北山名以
別號北山其先汴人有諱謙者仕元爲平江路經
歷占籍長洲二傳至某入國朝爲南雄府知事又
一傳至惟弘北山惟弘仲子也風神秀整性行純恪
少以父命禮福濟觀羽士爲坦然爲師遂通其學然
有志用世習爲時文復厭之棄去專力于詩嘗從都
太僕玄敬遊得其旨繁吳中巨室爭延致爲塾賓教

矯亭存稿卷十三

三

勲禮恭終始弗懈用薦爲都紀月餘即奔母喪服闋
又月餘即請致仕日與高人逸士結社賦詩爲樂練
川徐兵馬某尤雅敬之聘至別業以訓蒙土地偏木
茂與世如隔北山久酣甘中心跡既遠充養益完望
之知爲有道者也生天順癸未五月二十四日今年
六十五矣其徒范承賢早世盛陸汝尤以次相率焉
壙在吳縣景山之原銘曰

繫昔吳起名教不齒亦有荆公誦佛以死豈不意
大節孔噫墨行儒名則塵呼嗟北山失足老氏
孝以行仁達以用智遇之則老叩之則儒曾閔之行
孔孟之書少而自奮老而克完吾事定矣孰云異棺

築彼幽堂他日戾止必右鬼神呵護以俟

矯亭存稿卷之十三

矯亭存稿卷十三

三

矯亭存稿卷之十四

崑山方鵬著 弟鳳編

表誌

侯氏墓表

兗州府通判致仕安貞侯君命其子元函幣致書來乞予文表其三世之墓且曰吾將大書深刻以示我後之人使有微焉非敢自侈也按狀君姓侯氏名泰字安甫安貞其別號世為蘇之嘉定縣人曾大父秩贅趙浦陸氏遂葬陸墓大父杲字炳初葬邑城西麓父爵號梅隱以明經膺貢不樂仕授某州判官臨終謂君曰爾祖葬淺土念欲遷之弗克爾必成吾志

矯亭存稿卷十四

君聲望篋買東一都地十二畝高燥乾遂營塚壙卜弘治戊午十一月二十五日告葬黃葬于正穴次月二十一日葬梅隱於昭位先是其兄震得罪梅隱死不敢葬君白其母諸孺人葬之穆位又買地構屋使守墓者居焉凡百勞費君悉獨任之不以煩其弟鼎及兄子應元且之教之各底於立曰先親治命也正德癸酉君以學生領鄉薦明年授海寧教諭師道克立士習丕懋擢知太康縣廉以律已平以用法民甚宜之有寇卒至君一鼓而捷遂解去毋孺人卒于宦邸吏民哭柩泣送者塞道以

京師條上封事

多見采納改知登封縣移其所以治太康者以治其民更以餘力脩文事復古蹟自廢具舉民爭肖君像立祠祀之事具康脩撰海所撰生祠記兗州命下召視事三日即請致仕而歸部使者留之弗及也歸臺蕭然乃攜舊業營壽藏於穆位之次時君年六十八矣配金氏天台司訓澄之女子男二德元娶李次即文元縣庠生娶徐孫男三開封登封華封女一夫成親之志見其孝得民之心見其誠敢於進言見其忠速於求退見其勇皆可書者况茲墓實成於君故於其事獨詳焉非為君侈也凡以示其後之人也

與塘周翁墓誌銘

矯亭存稿卷十四

二

上古之世政淳俗美其民任真率性不能作偽處善循理不敢作惡去古益遠澆風日滋民散久矣明有生今而近古者不亦可尚乎哉太學生周文達卜嘉靖丙戌某月日葬其父南塘翁于天字圩之新阡奉庠友周君果狀來乞銘按狀翁諱王字惟誠南塘別號也曾大父大父父曰士賢曰思聰曰銘母陸氏世居崑山吳橋里翁少館于嚴待嚴之尊屬殊有恩禮然日歸觀二親與諸兄弟日聚首為樂居常不御華綺不畜妾媵茹粗服惡君素餐然然廩師教子之費了無慚色與人恒煦煦可近雖幼賤與之語必盡其情然一毫挫於人必不受絕無脂膏軟美之態以媚

於世蓋有古之遺風焉配即嚴子敖次即文達孫大經子之婦陶方孫之婦孫女之夫朱楷徐朝相嘉靖某年月日卒享年六十有七其生則天順某年月日也銘曰

吳淞之陰吳橋里有周翁伏桑梓婦家親室去尺咫日聚天倫樂無止其醇如醪直如矢寧爲吹毛弗統指我思古人殆如此卜斯歲斯百千祀

廣信府推官嚴君墓誌銘

君諱鎰字用剛別號東美姓嚴氏其先崑山人後徙長洲之甫里少遊鄉校厥聲四馳謂進士可以俯取及門之徒比比登用君獨累舉弗售竟以貢卒業南

續存稿卷十四

三

雍祭酒章文懿先生待以殊禮必期成進士竟弗果選授廣信府推官吏牘填委使軺絡繹不見其勞間與今相國費公倡和成集行于世沿山盜起僉謂擊之便君曰可撫而定也卒定之已而餘黨再發僉謂諭之便君曰可戰而克也卒克之時群盜首犯相國君突圍出之盜辟易不敢近于是列薦剡磨制勅顯用伊邇而君力請致仕歸矣歸四三年以疾終寔嘉靖乙酉五月丙戌其生天順己卯十一月庚申春秋六十有七曾大父某大父能父宗啓贈文林郎廣信府推官母華氏配馬氏俱贈孺人子男三重整威俱太學生女五適典膳歸樟庠生徐嶽周譜郭椿最

幼者許嫁陸緯都察院司務山之子孫男女幾人君於師道嚴而正友道厚而直待諸弟莊而愛處鄉人而有禮晚年惟結杜課詩積書教子他非所好也重等卜以卒之又明年某月日葬步字圩之新阡奉季父用文狀來請銘予與君交最久且復締綰不敢以不文辭也銘曰

里有髦士自矜賢科吾誰不如獨如命何出佐巨邦民思而歌卒考其成與髦孰多士高木美靈秀萃止有來孫子厥慶伊始

興府典膳嚴君墓誌銘

嘉靖丁亥予致仕家居嘗與嚴君隨可同遊義興

續存稿卷十四

四

權洞浹旬而返更約明春遍遊吳中諸山及期予再起北上與君別曰此行當不久即歸山遊之樂留以待我詎意別僅三月而君以疾捐舍矣寔歲戊子五月日也其生爲成化甲午某月日年止五十有五其子長子太學生密小以庚寅十二月二十六日葬甫里表字圩之新塋自撰狀以墓銘哀請義不克辭君嚴姓鎰諱字用聲別號隨可例授興府典膳其世系見予所爲其兄節推公墓誌君少孤爲同里張翁贅婦即能代翁持門戶治生產撫翁之幼子克底于立既而去之再造有家殫竭勞苦督少弟用文力學每率先諸兄助以薪粟膏火之費用文曰吾得齒章